

1. Kirihaehae rāua ko Tama

Ngā Kiripuaki



TAMA



KIRIHAEHAE



HURI

Kāpeka: Kei te kēti a Kirihaehae e huna ana. Kāore ia i te pīrangī whakatikatika i te whare. Ka tonoa e Joy a Tama kia haere ki te kimi i a Kirihaehae. Ka kite a Huri i a rāua e huna ana, ka tonoa kia hoki ki tō rāua māmā.

TAMA: Kirihaehae, kei whea koe? E pīrangī ana a māmā ki a koe

KIRIHAEHAE: Turituri Tama. E huna ana ahau.

TAMA: He aha ai?

KIRIHAEHAE: Kāore au i te pīrangī whakapai i te whare. Arā, kua tae mai te manuhiri nō Hawai'i. Kei te waharoa e tū ana. Tino ātaahua ō rātou kākahu.

TAMA: Oi, Kaua koe e mahi kino. Kātahi anō tātou ka tae mai ki Te Puea Marae. Mōhio koe ki ngā tikanga 'mahingia te mahi hei painga mō te iwi!' Ki te kore koe e mahi, kei panaia tātou. Kāore au i te pīrangī hoki ki te wēne moe ai.

KIRIHAEHAE: Tino goody two-shoes rawa koe e Tama. Aiare! Kāore au i te pīrangī ko koe hei māhanga mōku!

TAMA: Kāore hoki au i te pīrangī ko koe hei māhanga hoki mōku.

Ahakoia i te pāmamae a Tama i ngā kupu whakawhiu a Kirihaehae, kāore ia i pīrangī kia kite tana māhanga i tana mamae. Engari he tino koi a Kirihaehae. Rite ia ki tana karanga ingoa, mōna tēnei Marae. Ka titiro aroha atu a Kirihaehae ki tana māhanga.

KIRIHAEHAE: Tama, kāore a Uncle Huri e pana i a tātou. He nui rawa tōna aroha mō māmā rāua ko pāpā.

TAMA: Nē? Kāore koe i te horihori?

HURI: Oi, e aha ana kōrua? E rongō ana ahau i tō kōrua māmā e karanga ana ki a kōrua? Me hoki pea kōrua ki te kāinga.

Kātahi ka puta mai a Uncle Huri, ka kite i te tokorua nei e huna ana ki muri i te taiapa.

TAMA: Kāore ia i te kimi i a au, Uncle, e kimi kē ana a māmā i a Kirihaehae i te mea kāore anō ia kia mahingia tana moenga!

KIRIHAEHAE: Turituri Tama. Aiare! Kaua e whākī! Shame!

HURI: Me hoki kōrua, kia tere.

Ka kata a Huri ki a ia anō i te nanakia o te tokorua nei. Ka oma rāua ki tō rāua whare.